

Na osnovu člana 94. Zakona o osnovnom odgoju i obrazovanju Kantona Sarajevo („Službene novine Kantona Sarajevo” broj: 23/17 i 33/17), člana 86. Pravila JU Osnovna škola „Hadžići“ Hadžići, člana 7. Uredbe o utvrđivanju vlastitih prihoda, načina i rokova raspodjele (“Službene novine Kantona Sarajevo”, broj 51/16) i člana 14. Instrukcije za donošenje pravilnika o kriterijima za sticanje i raspodjelu vlastitih prihoda budžetskih korisnika-predškolskih ustanova, osnovnih i srednjih škola i domova učenika broj: 11-01-14-32424/17 od 02.11.2017. godine, Školski odbor JU Osnovna škola „Hadžići“ Hadžići na IV (četvrtj) sjednici održanoj 20.04.2018. godine, donosi

## **PRAVILNIK**

### **O KRITERIJIMA ZA STICANJE I RASPODJELU VLASTITIH PRIHODA JAVNE USTANOVE OSNOVNA ŠKOLA „HADŽIĆI“ HADŽIĆI**

#### **I OPŠTE ODREDBE**

##### **Član 1. (Predmet Pravilnika)**

Ovim Pravilnikom u skladu sa Uredbom o utvrđivanju vlastitih prihoda, načina i rokova raspodjele (“Službene novine Kantona Sarajevo” broj: 51/16) i Instrukcijom za donošenje pravilnika o kriterijima za sticanje i raspodjelu vlastitih prihoda budžetskih korisnika-predškolskih ustanova, osnovnih i srednjih škola i domova učenika broj: 11-01-14-32424/17 od 02.11.2017. godine, utvrđuju se vrste, osnov sticanja, visina naknade i raspodjela vlastitih prihoda u JU Osnovna škola „Hadžići“ Hadžići (u daljem tekstu: škola).

##### **Član 2. (Vlastiti prihodi)**

Vlastiti prihodi škole su javni prihodi budžeta Kantona Sarajevo, a raspoređuju se u skladu sa ovim Pravilnikom.

##### **Član 3. (Ostvarivanje vlastitih prihoda)**

- (1) Pod vlastitim prihodima podrazumijevaju se prihodi koje škola ostvari obavljanjem osnovne djelatnosti i ostalih poslova na tržištu.
- (2) Pod vlastitim prihodima škole ne podrazumijevaju se prihodi koje škola ostvari obavljajući osnovnu djelatnost propisanu zakonima ili drugim propisima o osnivanju, za koju je propisima utvrđena visina naknade za usluge koje pružaju pravnim i fizičkim licima, kao ni prihodi ostvareni u internom poslovanju između budžetskih korisnika na istom nivou vlasti.

##### **Član 4. (Uplata i evidentiranje)**

Uplata i evidentiranje vlastitih prihoda vrši se u skladu sa članom 4. Uredbe o utvrđivanju vlastitih prihoda, načina i rokova raspodjele (“Službene novine Kantona Sarajevo” broj: 51/16).

#### **II STICANJE VLASTITIH PRIHODA**

##### **Član 5. (Osnove za sticanje vlastitih prihoda)**

Škola stiže vlastite prihode po osnovu:

- a) organizacije i realizacije pripreme i instruktivne nastave,
- b) uplata za realizaciju posebnih programa,
- c) prodaje otpadnog materijala,
- d) prodaje proizvoda i usluga koje izrađuju učenici u toku praktične nastave,
- e) idavanje prepisa/duplikata dokumenata,
- f) reklamno-propagandnih usluga,
- g) realizacije pedagoško-metodičke prakse studenata (hospitovanje),
- h) izdavanja opreme i prostora u zakup i
- i) ustupanja tenderske dokumentacije u postupku javnih nabavki.

#### **Član 6.**

##### **(Naknada za realizaciju usluga)**

- (1) Instruktivna nastava za grupu od 10 i više kandidata (po času) .....4 KM
- (2) Instruktivna nastava za grupu do 10 kandidata (po času) .....8 KM
- (3) Izdavanje opreme i prostora u zakup: izdavanje prostora u zakup, kao i visinu naknade za zakupninu utvrđuje Školski odbor JU Osnovna škola „Hadžići“ Hadžići, a u skladu sa zakonom i podzakonskim aktima koji regulišu izdavanje poslovnih zgrada i prostorija.

#### **Član 7.**

##### **(Visina naknade za realizaciju ostalih usluga)**

Visinu naknade za usluge koje realizuje škola, a koje nisu obuhvaćene članom 6. ovog Pravilnika utvrđuje Školski odbor.

### **III RASPODJELA VLASTITIH PRIHODA**

#### **Član 8.**

##### **(Način i rokovi raspodjele)**

Vlastiti prihodi koje je škola ostvarila u cijelosti se raspoređuju školi.

#### **Član 9.**

##### **(Način raspodjele vlastitih prihoda)**

- (1) Prihodi iz člana 5. stav (1) tačka a) ovog Pravilnika raspoređuju se na sljedeći način:
  - a) 15 KM naknade za jedan čas nastavniku koji izvodi pripremu i instruktivnu nastavu,
  - b) ostatak prihoda dijeli se na sljedeći način:
    - 1) 20% za naknade ostalim radnicima izvan nastave koji sudjeluju u realizaciji poslova,
    - 2) 40% za materijalne troškove, tekuće održavanje i nabavku opreme i
    - 3) 40% za stručno usavršavanje, sportske i kulturne aktivnosti, takmičenja, nagrade učenicima i ostale namjene.
- (2) Prihodi iz člana 5. stav (1) tačka b) ovog Pravilnika raspoređuju se na pokriće troškova realizacije posebnih i specijaliziranih programa, a u skladu sa Odlukom Školskog odbora.
- (3) Prihodi iz člana 5. stav (1) tačka c) i d) ovog Pravilnika raspoređuju se na sljedeći način:
  - a) 20% za materijalne troškove, tekuće održavanje i nabavku opreme,
  - b) 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
- (4) Prihodi iz člana 5. stav (1) tačka e) ovog Pravilnika raspoređuju se na sljedeći način:
  - a) 40% za materijalne troškove, tekuće održavanje i nabavku opreme,

- b) 30% za naknadu radnicima koji su sudjelovali u realizaciji poslova i
  - c) 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
- (5) Prihodi iz člana 5. stav (1) tačka f), g), h) i i) ovog Pravilnika raspoređuju se na sljedeći način:
- a) 70% za materijalne troškove, tekuće održavanje i nabavku opreme i
  - b) 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

**Član 10.**  
**(Korištenje vlastitih prihoda za plaće)**

Škola koristi vlastite prihode za plaće i naknade radnicima u slučaju da stiču vlastiti prihod po osnovu člana 5. stav (1) tačke a) ovog Pravilnika.

U drugim slučajevima Škola prihode za plaće koristi u izuzetnim slučajevima uz saglasnost Ministarstva za obrazovanje, nauku i mlade Kantona Sarajevo.

**IV PRAĆENJE NAPLATE I RASPOREĐIVANJE VLASTITIH PRIHODA**

**Član 11.**  
**(Praćenje naplate i raspoređivanje vlastitih prihoda)**

- (1) Škola kao budžetski korisnik je dužna da redovno prati, putem izvještaja koje dobija od Ministarstva finansija Kantona Sarajevo, dospelost i naplatu vlastitih prihoda.
- (2) Škola kao budžetski korisnik je odgovorna za potpuno i pravovremeno uplaćivanje vlastitih prihoda na depozitni račun.
- (3) Škola kao budžetski korisnik je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršenja Budžeta.

**V KONTROLA UTROŠKA VLASTITIH PRIHODA**

**Član 12.**  
**(Izvještaj o utrošku)**

Škola, najmanje jedanput u šest mjeseci Ministarstvu za obrazovanje, nauku i mlade Kantona Sarajevo dostavlja Izvještaj o sticanju i utrošku vlastitih prihoda.

**VI ZAVRŠNE ODREDBE**

**Član 13.**  
**(Stupanje na snagu)**

Ovaj Pravilnik stupa na snagu danom donošenja, a primjenjuje se nakon pribavljenog mišljenja Ministarstva finansija Kantona Sarajevo i dobijene saglasnosti na isti od strane Ministarstva za obrazovanje, nauku i mlade Kantona Sarajevo.

Hadžići, 20.04.2018. godine

Djelovodni broj: 339-1/2018

**PREDSJEDNICA ŠKOLSKOG ODBORA**

*Ervina Muratović – Dahija, prof.*